

des Princes &c. Février 1731. 83

nuper curâ D. Mansi Latinè reddito scripsistis , mentionem de meo Bibliotheca sacra Compedio perquam honorificam iniecistis. Quod de hac mea opella tulistis iudicium , sicut mihi gratum accidit , ita ingens opus super eodem argumento jam diù meditati , planè propitium. Si enim æquissimis rerum aestimatoribus tenuè illud specimen placuit , spes est non placiturum minus opus integrum , jam penè absolutum & praelo maturum. Hujus verò brevem quandam imaginem hîc delineare juvat , ut vel ex ea pernoscatiscquid spei sit reliquum , post hac quam tentabo longiorem operam spectanda & approbanda , an excludenda sit vobis prius.

Longianam Bibliothecam gallicè , pluribusque numeris auctam illustrare utilioremque reddere animus est ; istuc ut efficiam in quinque partes omnem dispersior materiam. Prima continet Praefationem generalem totius operis , dein quatuor Tractatus Historico-criticos in Bibliothecam sacram ; quibus subjiciuntur nomina Auctorum , quotquot in ea laudantur , ordine alphabetico disposita , cum brevi eorum vita , & sincero de illis iudicio. Hac prima pars subsequenteribus prolusionis loco est , & primum volumen formâ majori constituet. Secunda , quæ secundo volumine continebitur , exhibebit Tractatus Isagogicos , seu Dissertationes , Exercitationes , Prolegomena , & id genus opera critica , quæ à primo Ecclesiæ saculo , & nostrâ potissimum atate in sacros Codices generatim vulgata fuere : De nativâ sacrarum Scripturarum indole , litteris , versionibus & editionibus , de critica sacra , Philologia , interpretandi modo , de Historia sacra , cultus sacro , politia sacra Hebraeorum &c. Tertia & quarta pars sistent omnes Commentatores tam veteris quàm novi Testamenti , antiquos & recentiores sive editos , sive manuscriptos cujusque idiomatis , Religionis , Communionis & Gentis.